



INFO: Steinmurene etter gamle setrer og turisthytter kjem fram når Aursjøen er nede. Historiske plasser som dette bør merkast.

Foto: Vidar Heitkötter

Infoskilt til samisk buplass

Lite vatn i Aursjømagasinet på Lesja gjør det mogleg å sjå tufte etter samefolketets buplassar. Nå blir truleg informasjonsskilt sett opp slik at fleire finn vegen til sensasjonelle funn.

LESJA: Dei heldige deltakarane på turen til Gudbrandsdal Historielag sist laurdag, fekk oppleve norrøne buplassar ved Gautsjøen, og samiske ildsted mellom Grynningen og Aursjøen. At det i tillegg dukka opp ein villreinflokk på 12 dyr, sette ein ekstra spiss på opplevinga, fortel Arne Skuterud, Vin-

stra, som er leiar i historielaget.

Det var sommaren i 2006 arkeologane fann sensasjonelle spor etter samisk aktivitet i Lesjafjellet. Da var Aursjømagasinet tørrlagt på grunn av reparasjonsarbeid på demningen. Også i år er det så lite vatn at buplassane er godt synleg. Fylkesarkæolog Espen Finstad stadfestar overfor GD at det i samarbeid med Lesja kommune blir vurdert å setja opp informasjonsskilt for at buplassane skal bli lettare å finne når kraftmagasinet er nedtappa. Fortsatt er Aursjøen 16 meter under full vannstand. Det vil derfor gå nokre veker før samefolketets gamle buplasser kjem under vatn.

- Ildstadene ligg akkurat som den gongen vi fann dei. Vatnet har ikkje øydelagt noko, fortel Finstad som var kjentmann på turen til

Gudbrandsdal Historielag. Det er framleis to ildstader der samefolket budde. Finstad utelukkar ikkje at det kan finnast fleire spor i området, og arbeider nå med planar om å lage informasjonspunkt for at fleire skal få sjå heimane til samefolket på 700 – 800-talet.

Gudbrandsdal Historielag – Dølaringen arrangerte Lesjaturen som ein del av markeringa av kulturminneåret 2009. Turen vart gjennomført i samarbeid med fylkeskommunen og Lesja kommune. Etter omvisning og informasjon på Lesja bygdatun, var det busstur til dei interessante funnstadene på Dalsida. John Olsen, arkæolog og museumskonsulent i Lesja, orienterte og om dei store, interessante utbyggingsplanene på Lesja bygdatun, og om prosjektet Villreinfangsten om verdensarv.



FUNN: Pilspiss funne ved Aursjøen. Nå kan det ble sett opp skilt til samefolkets buplassar.

Foto: Heitkötter, Vidar